

'S ALT MARIK-HAUS MITTES IN D'R SCHATDT.

Die Kerich isch schoe, d'r Thurn isch hooch,
 Un zielt 'm Himmel zu ;
 Die Glock leit traurich in d'r Hoeh,
 Die Orgel schpielt 'n Liedli schoe,
 Un all isch Fried und Ruh ;
 Doch hen m'r nie so schoenes g'hat,
 Wies Marik-haus mittes in d'r SCHATDT.

Es Court-haus isch 'n schoener Blatz
 For the Gerechtigkeit ;
 D'r Thurn isch net juscht gar so hooch,
 Doch schlaegt die Uhr so nooch un nooch—
 Ebmohls zu rechter Zeit ;
 Doch hen m'r ken so schoener Blatz
 Wie's Marik-haus mittes in d'r SCHATDT.

Die Bressend isch ken schoener Blatz—
 Es g'fällt m'r gar net dort ;
 Ken Glock leit traurich in d'r Hoeh,
 Ken Orgel schpielt 'n Liedli schoe—
 'S gukt alles rauh un hart ;
 Un's isch net noch so'n schoener Blatz
 Wie's Marik-haus mittes in d'r SCHATDT.

Es Watch-haus isch ken schoener Blatz ;
 Ich me'n e'mohl 's waer net ;
 For'n armer Sueffer braucht m'r doch
 So'n dunkel, dreckich, schtinkich Loch—
 D'r reich geht heem in's Bett.
 For so kerls war sel Loch net g'macht ;
 Dhu so een nei, nort gebt's 'n Jacht.

Es Poor-haus isch 'n schoener Blatz
 So auserenig rum ;
 Fon Weidem gukt's gar kreislich schoe,
 Doch wan mehr juscht net nei muss geh'
 Dan gebt m'r a'h nix drum ;
 Ich glaa'b m'r kruegt noch e'nder satt,
 Am Marik-haus mittes in d'r SCHATDT.

Die Wasser-pann isch artlich schoe—
 So hen m'r alsfort g'meend,
 Doch zidder das es Wasser schtinkt,
 So das m'r's ebmohls gar net drinkt,
 Isch artlich fiel *complaint* ;
 So geht m'r juscht un drink'n Pop
 Am Marik-haus mittes in d'r SCHATDT.

Der aller bescht das'd gruege kannsch,
 Gruegscht bei'm alte Hanz ;
 Erscht ess'n gross schtick Lewer-worscht,
 Nord gruegscht du ah'en grosser Dorscht,
 Un trinkscht so fiel asd' kanscht ;
 'Will saage so 'bout siewe Bottel,
 Nord guksch't juscht wie d'r Butter-Modell.

Hanz schneid d'r Bend'l fon'm Schtopper,
 Un dort schteht's *ready* Glass ;
 D'r Schtoppe fliegd dort owe wetter—
 Un's kracht wie'n klee Donnerwetter,
 Un's fliegt d'r in die Naas ;
 Nord esscht juscht noch meh Lewerworscht,
 Nord gruegscht du als noch mehner Dorscht.

Du gruegscht die Worscht am alte Preiss—
 Die alt *Consideration* ;
 Ken Grieg, ken *Panic*, ken *Sensation*—
Contraction, *Collapse* un *Inflation* ;
 Des isch die *operation*—
 Finf Cent d'r *Pop*, e' Cent d'r Bretzel,
 Un fuer Zoll Lewer-worscht for Wexel.

Es sin noch annere schoene Blaetz
 In unsere schoene SCHATDT.
 Wu Chentelleut (?) im feinschte Klee'd
 Als scheen un schpoutse uf the Maed
 Ihr Duwock-brie un *Schnott* ;
 M'r soet 'ne gewe schtarik un satt
 Fo'm Watch-haus mittes in d'r SCHATDT.

Sel isch die *Police-Headquarters*,
 Dort dhue sie ihr schloofes ;
 Sie sin die Kerls for *sharp-look-out*
 Wan gar ken *Burglars* sin *about*,
 Un a' ken *Corner-Loafers* ;
 Recht dort an sell'm alte Blatz,
 Am Watch-haus mittes in d'r SCHATDT.

E'n schoener Blatz for *Loafers* dort,
 Un for die Marik-haus Ratt ;
 E'n druckn'r Schirm am Regedag,
 E'n *Rendezvous* am Feierdag
 Un for die alte *Sot* ;
 Sie sage 's isch net noch so'n Blatz
 Wie's Marik-haus mittes in d'r SCHATDT.

Dort

Er g
BisUn
Wie

So h

M'r
Un hUn h
Sie hEs is
lM'r g
ing, sI
Jusch
Im MDort
NDu h
Es waI
Ken b
RechtNau w
DDie Ei
D'r KaJu
For ful
EischtE' dehl
UnDoch a
RechtSo
"Wer n
Der holD'r Ma
'SWann j
As wieWa
Un's wa

Das sei